



Synfocity = 921

mail us at : mzsynfo@gmail.com; mizoramsynod@gmail.com - Phone - 2314648

January 25, 2024

□ Delhi Pastor Bial hawn a ni

Synod Inkhawmpui 2023-in a rêl angin Delhi Pastor Bial chu January 21, 2024 (Pathianni) khan hawn a ni. Delhi Pastor Bial hi Rev. R. Vanlalnghaka, Synod Moderator-in a hawng a, Rev. P.C. Pachhunga, Finance Officer-in a tawiawm a ni. Moderator hian tlai dar 4:30-ah Bial station, Delhi Kohhranah bial thar hi hawngin, Pathian thuchah a sawi a. Delhi Kohhran zaipawl leh West Delhi Kohhran zaipawlte an zai a ni. Bial thar hawn hma hian chhun lamah West Delhi Kohhran tlawhin, thuchah a sawi. Bial thar hawn inkhawm banah hian Special Bial Inkhawmpui neih zui nghal a ni a, inkhawm zawng zawngte pualin bial thar hawn lawmna ruai theh zui nghal a ni.

Delhi Pastor Bialah hian Delhi Kohhran, West Delhi Kohhran & Dehradun Kohhrante an awm a. North Delhi lamah hian zirlai rualte leh hnathawka awmte tan inkhawmna hmun a awm bawk.

□ Masihi Sangati Evangelist tirh chhuah inkhawm neih a ni

January 21, 2024 Pathianni chawhnu dar 1:30 khan Bawngkawn Kohhran Biak Inah Masihi Sangati Evangelist tirh chhuah inkhawm neih a ni a, tirh chhuahte hi mipa pasarih leh hmeichhia panga, an vaiin mi 12 an ni.

Tirh chhuah inkhawm hi Rev. R. Lalrinsanga, Director, Masihi Sangati Kendra-in a kaihruai a, Upa Lalthahluna Ralte, Coordinator, Synod Mission Board-in inhmelhriattirna a nei a, Rev. R. Lalhmingsanga, Secretary, Synod Mission Board-in tirh chhuahna hun hmangin Rev. F. Lalrinnunga, Board Executive Committee member-in tawngtaisakna hun a hmang a, Rev. Dr. K. Lallawmzuala, Executive Secretary-in thuchah a sawi. He hunah hian Synod Mission Choir, Aizawl Hmarchhak Area Standing Choir leh Bawngkawn Kohhran Zaipawl te an zai a ni.

Heng Evangelist tirh chhuahte hi Masihi Sangati Kendra, Bawngkawn hnuai Evangelist hna thawk tur an ni a, January 15-19, 2024 chung khan Masihi Sangati Kendra, Bawngkawnah Orientation training an lo nei tawh a ni.

□ Synod Mission Board

◆ Jharkhand Mission Field

January 16, 2024 (Thawhlehi) khan belhtu thar pahnih an awm a, January 21, 2024 (Pathianni) khan belhtu thar 14 an awm a, pawl dang atangin mi pakhat kan kohhranah a rawn inpe bawk.

◆ Odisha Mission Field

January 21, 2024 (Pathianni) khan belhtu thar 16 an awm.

◆ Karbi Anglong Mission Field

January 20 leh 21, 2024 khan belhtu thar pali an awm.

◆ Assam Mission Field

January 21, 2024 (Pathianni) khan belhtu thar pahnih an awm.

□ Presbyterian Pastor Pension Fellowship intawhkhawm

January 25, 2024 (Ningani) chawhma dar 11:00 khan J.M. Lloyd Hall, Synod Office-ah Presbyterian Pastor Pension Fellowship Intawhkhawm neih a ni a. Session hnihah thenin chawhma leh chawhnuah te hun hman a ni.

Intawhkhawm Session 1-na hi Rev. Dr. Zaihmingthanga, PPPF Chairman-in a kaihruai a. Chawhma hunah hian rorel a ni a, PPPF Secretary-in report a pe a, Tawnhriat Bu chhuah chhunzawm chungchang leh Annual membership fee tihpun chungchang te sawi zui niin kum 2024-2025 Office Bearer (OB) thlanna neih a ni bawk. Chawhnu hun hi Rev. C. Rosiama, PPPF Vice Chairman-in a kaihruai ve thung a. Thupui 'Ram Rorelna Tha' Rev. Lalzuithanga ziah chu zir ho niin sawi hona pawh neih a ni. Hun tawpah Rev. Dr. Lalchungnunga, PPPF Asst. Secretary-in lawmthu a sawi a ni.

Presbyterian Pastor Pension Fellowship-ah hian Pastor pension apiang an tel zel a. Kum tinin intawhkhawm hi an nei thin a, infuih tharna leh inpawh tlanna hun hlimawm tak an hmang thin a ni.

❑ **KTP**

January 26-28, 2024 chhung hian Bial hrang hrangah Bial KTP Conference hman a ni dawn a. January 26 (Zirtawpni) zan chu Palai lawmna leh Report inkhawm a ni ang a, January 27 (Inrinni) nilengin Rorel inkhawm neih a ni ang a, zanah Pathian Biak inkhawm neih a ni ang a, January 28 (Pathianni) chawhma, chawhnu leh zanah Bial Conference hi neih chhonzawm a ni ang.

Bial Conference hman dan tur hi Bial committee-in ngaihtuahin a remchan dan anga hman thin a ni a, churang chuan bial hrang hranga conference hman dan pawh a inang vek lo a, Bial thenkhatah thupui thlan bik neiin speaker ten an sawi thin a, bial thenkhatah chuan thupui thlan bik pawh nei lovin bial hruaituten an insawi chhawk chang pawh a awm thin a ni.

Central KTP hruaitute pawh Bial Conference hmanpuiin Bial hrang hrangah hetiang hian an kal ang:

- Haulawng Bial - Pu Lalrempuia, Tv. P.C. Lalthanmawia leh Pu F. Lalremruata
- Jugicherra Bial - Tv. Malsawmdawngliana, Pu Lalnunsanga leh Tv. C. Lalbiakmawia
- Kawrthah Bial - Upa Johny Lalawmpuia leh Pu H. Rosangzuala
- Khawlailung Bial - T.Upa P.C. Vanlalnunmawia leh Tv. Rinsailova Sailo
- Khuangleng South Bial - Pu Lalruatfela leh Pu Lalmalsawma
- Manikbond Bial - Pu Jonathan Lalhruaitluanga, T.Upa T.C. Lalremsiama leh Pu C. Hmingthanzauva
- Mualpheng Bial - Upa F. Zoherliana leh Pu C. Lalkhawngaiha
- Nursery Veng Bial - Pu L.V. Lalthantluanga leh Ni. F. Lallianzuali
- Zemabawk North Bial - Upa Lalchharmawia
- Zuangtui Bial - Tv. Vanromawia, Pu K. Lalfakzuala leh Pu Rossi Lallawmawma

❑ **Campus Ministry**

January 22, 2024 (Thawhtanni) khan Presbyterian English School, Tuikual Kohhranah Director, Rev. H.L. Thianghlima, Counsellor, Tv. Lalrinchhana leh Resource Person, Upa Lalnunsiamia Khalthang ten hun an hmang. PES, Tuikualah hian zirlai 488 awmin, zirtirtu 25 an awm mek a. Zirlaite hi hmun hnihah thenin, a hranga hun hmanpui an ni a.

❑ **Kohhran Hmeichhia**

Kohhran Hmeichhe Inkhawmpui Lian vawi 50-nain "Synod Hospital, Durtlang Charity Fund leh John Williams Hospital, Lunglei tanpuina turin Kohhran Hmeichhe Inkhawm vawi khat thawhlawm lak khawm ni rawh se" tia rel bawhzuiin January 24, 2024 (Nilaini) khan John Williams Hospital, Lungleiah ₹ 4,00,000/- hlan a ni a, Synod Hospital Charity atana pek tur chu thla leh lamah hlan tura ruahman a ni.

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlna pek a ni.

S.No	Khua/Veng	Pek chhan	Chhungkaw zat	Pek zat
1.	Sumsuih	In kang	1	₹ 20,000/-
2.	Tuirum	Damlo	1	₹ 10,000/-
3.	Thiak	Damlo	1	₹ 10,000/-
4.	Sakawrdai Chhimveng	Khawsak harsa	1	₹ 10,000/-
5.	Muallungthu	Damlo	1	₹ 10,000/-
6.	Thenzawl Field veng	Damlo	1	₹ 10,000/-
7.	N.E. Khawdungsei	Damlo	1	₹ 10,000/-
Belh khawm				₹ 80,000/-

❑ **FM Zoawi - Aizawl & Lunglei : Hruaina Eng Radio Programme**

January 26, 2024 (Zirtawpni) @ 7:30 p.m. :

- Solo** : Melody Lalzirliani - Mittui a hul ang
- Zaipawl** : Thingdawl Bial Zaipawl - Lalpa remruat
- Thusawi** : Rev. Lalchungnunga - Thatlai nun chen dan tha
- Trio** : Zorema Khiangte, Jonathan Lianhna, Uncle Joe - Beiseina
- Zaipawl** : Khawlailung Bial Zaipawl - Lungthu pathum

- ❑ **Su Samachar Prasaran Programme :**
January 28, 2024 (Pathianni) 5:30 pm. :
Group/Choir/Solo : Saron Veng Kohhran Masihi Sangati - Teri Huzoor
Group/Choir/Solo : Eli Varte - Apne Hathon Se
Sermon : Rev. P.S. Daniel
Group/Choir/Solo : Hmingtea Tochwawng - Jisu tomái Bhalo Bese Chhi
Group/Choir/Solo : Bungkawn Masihi Sangati - Ji Uthe
- ❑ **Hruaina Eng TV Programme**
25.1.2024 (Ningani) 8:30 pm : Thupui Zir bing : Kohhran Chanchin - Tunlai hun
26.1.2024 (Zirtawpni) 5:00 pm : Kristian Naupang Pual
27.1.2024 (Inrinni) 5:30 pm : Puitling Sunday School Zirlai
28.1.2024 (Pathianni) 8:00 am : Weekly round up
5:30 pm : Su Samachar Prasaran
29.1.2024 (Thawhtanni) 8:30 pm : Hruaina Eng Luang chhuak
- ❑ **Moderator leh Executive Secretary-te Programme:**
Rev. R. Vanlalnghaka : Moderator
 January 24-25, 2024 Barak Area Committee, Silchar
Rev. C. Zoramawia : Senior Executive Secretary
 January 24-25, 2024 Barak Area Committee, Silchar
Rev. V.L. Luaia Hranleh : Executive Secretary
 January 24-25, 2024 John Williams Hospital Committee, Lunglei
Rev. Dr. K. Lallawmzuala : Executive Secretary
 January 27-28, 2024 Thingdawl Bial KTP Conference
 January 31, 2023 Prison Ministry Committee
 February 2, 2024 Pro. Pastor Orientation
 February 3-4, 2024 Tuidam Bial KTP Conference
January 30, 2024-a Officers' Meeting (OM)-ah Moderator leh Executive Secretary-te an thu ang.

RAWNGBAWLNA HNA RUAK DIL THEIH

A hnuaiá tarlan rawngbawl hna hi Mizoram Presbyterian Kohhran hnuaiá a ruak a. Mizoram Presbyterian Kohhran mi, kum 18-35 inkar, ni 20.3.2024-a kum 18 pum tawh, kum 35 la pumhlum lo tan dil theih a ni. Zuk leh hmuam leh ruih theih thila fihlim tan chauh dil theih a ni. Dilna Form leh Tualchhung Kohhran Confidential Report Form hi Synod Office (Aizawl leh Lunglei) atangin ni 25.1.2024 (Ningani) atangin lak theih a ni. Dilna hi Synod Service Board Office, Aizawl-ah thehluh tur a ni a, dilna form man ` 20/- a ni. Dilna form-ah hriat tur pawimawh tarlan a ni.

SIKULPUI-A THAWK TUR

- Hna hming : Teacher (Contract), Post - 1
- Thiamna : Trained graduate of any recognised university with D.El.Ed. (Diploma in Elementary Education) and MTET (Mizoram Teacher Eligibility Test)
- Hlawh : Synod hnuaiá Trained Graduate contract-te hlawh
- Dil theih hun chhung : Ni 26.2.2024 (Thawhtanni) dar 4 p.m. thleng
- Written test : Ni 9.3.2024 (Inrinni) Dar 10 a.m.
- Interview : Ni 20.3.2024 (Nilaini) Dar 10.30 a.m.

Sd/-
 Rev. C. Zoramawia
 Secretary
 Synod Service Board

MISSIONARY TRAINING COLLEGE (MTC) HRIATTIRNA

Missionary Training College (MTC)-ah Bachelor of Missiology (B.Miss) zir duh tan dil theih a ni leh ta. Dilna Form leh Prospectus hi ` 50/- in office hun chungin MTC Office atangin lak chhuah theih a ni e.

Dil thei chin : CI - XII pass chin
 Dilna theh luh hun hnuhnung : 16 February, 2024 (Friday)
 Entrance Test : 19 March, 2024 (Tuesday); 9:30 am @ MTC
 Interview : 21 March, 2024 (Thursday); 10:30 am @ Synod Committee Room - I

Sd/-
 Principal
 Missionary Training College
 Mission Vengthlang
 Ph. No. : 0389-2328525/9612164982

SYNOD REVIVAL HRIATTIRNA

February 6-10, 2024 chungin hian Synod Revival Camping Center, Neihbawiah a duh apiang tan Camping buatsaih a ni dawn a. Speaker tur chu T.Upa H.V. Lalrinkima, Evangelistic Team a ni ang. Camping Fee ` 100/- mi pakhat tan a ni a, Mutbu bakah Bible, Hlabu, Pen, Note Bu ken tur a ni. Ruihtheih thil ken luh phal a ni lo a. Mobile Phone pawh ken luh phal a ni lo. Thawhlehniah lutin Inrinniah chhuah leh tur a ni ang. Camp neihna hmun Neihbawiah chhun dar 12 - tlai dar 4 inkarah Registration tih fel vek tur a ni a, rokhawlhna lian tak nei an nih loh chuan tlai dar 4 hnu lamah in Register theih a ni lo ang. Ei leh in chu Synod-in a tum vek dawn a ni.

**MIZORAM PRESBYTERIAN CHURCH
 SIKULPUI
 (Mizo Medium, MipaSikul)
 2024 -2025 ADMISSION CHUNGCHANG**

NEW ADMISSION: 'A' Pawl

Admission Form lak chhuah theih hun : January 22, 2024 atangin (10:00am-2:00pm)
 Dilna theh luh hun tawp : January 25, 2024
 Admission tih hun : January 29-31, 2024 (10:00am-1:00pm)

NEW ADMISSION : Pawl 1-Pawl 7

Form lak chhuah theih hun : February 27, 2024 atangin (10:00am-2:00pm)
 Dilna theh luh hun tawp : March 5, 2024
 Selected List tarchhuah hun : March 6, 2024 (1:00 pm)
 Admission tih hun : March 6, 2024 (1:00 -3:00 pm)
 March 7-8,2024(10:00am-1:00pm.)

Sd/- Headmaster
 Sikulpui
 Phone: 0389 2335980/9436152024